



Халқ сўзи

Ўзбекистон –
келажаги
буюк
давлат

2024 йил — ЁШЛАР ВА БИЗНЕСНИ ҚЎЛЛАБ-ҚУВВАТЛАШ ЙИЛИ

1991 йил 1 январдан чиқа бошлаган

WWW.XS.UZ

E-mail: Info@xs.uz

2024 йил 30 октябрь, № 222 (8845)

Чоршанба

Сайтимизга ўтиш учун QR-кодини телефонингиз орқали сканер қилинг.



ЎЗБЕКИСТОН РЕСПУБЛИКАСИ ПРЕЗИДЕНТИ ШАВКАТ МИРЗИЁЕВ ЖАНОБИ ОЛИЙЛАРИГА «Имом Термизий илмий меросининг ислом цивилизациясида тутган ўрни» мавзусидаги халқаро илмий-амалий анжуман иштирокчиларининг МУРОЖААТИ

Мухтарам Президент Жаноби Олийлари,

Сизнинг «Имом Термизий илмий меросининг ислом цивилизациясида тутган ўрни» мавзусидаги халқаро илмий-амалий анжуман иштирокчиларига йўлланган табригингизни биз, барчамиз конференциямиз учун ўзига хос дастуриламал сифатида қабул қилдик.

Ўзбекистон заминидан таваллуд топиб ўзининг беназир истеъдоди, билим ва тафаккури, эзгу фазилатлари билан ислом оламида шухрат қозongan буюк алломаларнинг бой илмий меросини ўрганиш ва тарғиб этиш борасидаги фаолиятимизга алоҳида эътибор қаратиб, камтарона меҳнатимизга юксак баҳо берганингиздан гоят мамнунмиз ва бунинг учун Сизга самимий миннатдорлигимизни изҳор этамиз.

Ҳеч шубҳасиз, биз — исломшунос, термизийшунос олим ва тадқиқотчилар ҳақидаги илиқ ва ҳаққоний фикрларингиз бизни янада кўпроқ изланиб, янги-янги тадқиқотлар яратишга, ислом динининг Сиз таъкидлаб айтган тинчлик, эзгулик ва инсонпарварлик моҳиятини кенг очиб беришга илҳомлантиради.

Биз Янги Ўзбекистонда Сизнинг бевосита раҳбарлигингизда барча жаҳда, хусусан, таълим, фан, маданият ва маърифат, диний муносабатлар йўналишида амалга оширилаётган кенг қўламли ислохотларни катта эътибор билан кузатамиз ва ҳар томонлама қўллаб-қувватлаймиз.

Бу соҳалардаги ўзгаришлар Ўзбекистон халқи ўз олдига олий мақсад қилиб қўйган Учинчи Ренессанс пойдеворини барпо этиш йўлида чин дилдан ҳаракат қилаётгани ва бу интилиш улкан амалий жараёнга айланиб бораётганидан далолат беради.

Азал-азалдан буюк алломалар юрти, тинчлик ва дўстлик диёри сифатида ном қозongan Ўзбекистон замини бугунги кунда ўзининг тинчликпарвар сиёсати билан халқаро миқёсда тобора юксак обрў-эътибор қозонаётгани бизни беҳад мамнун этади.

Бу, ҳеч шубҳасиз, Сизнинг давлат раҳбари сифатида чуқур ўйлаб олиб бораётган оқилона сиёсатингиз, жаҳон миқёсида илгари сураётган эзгу ва хайрли ташаббусларингиз самарасидир.

Айниқса, Бирлашган Миллатлар Ташкилоти Бош Ассамблеясининг 72-сессиясида баён этилган ва жаҳон ҳамжамияти томонидан қўллаб-қувватланган «Ислом дини бизни эзгулик ва тинчликка, асл инсоний фазилатларни асраб-авайлашга даъват этади» деган фикрингиз мамлакатда олиб борилаётган тинчликпарварлик сиёсатининг асл маъно-мазмунини ўзида яққол намоён этади.

Сиз илм-фанни ривожлантириш, ўзликни англаш, ёшлар тарбияси, ислом динининг асл моҳиятини идрок этиш каби масалаларни давлат сиёсати даражасига кўтариб, Биринчи ва Иккинчи Шарқ Уйғониш даврига мансуб қўллаб-қувватлаш

моёндоларнинг жаҳон ва ислом цивилизациясига қўшган бебаҳо ҳиссасини ўрганиш, уларни янги шароитда ҳаётга татбиқ этиш бўйича кенг қўламли ишларни амалга оширмоқдасиз.

Бунга «Имом Термизий таваллудининг 1200 йиллигини кенг нишонлаш тўғрисида»ги қарорингиз ва ана шу тарихий ҳужжат асосида Термиз шаҳрида ўтказилган «Имом Термизий илмий меросининг ислом цивилизациясида тутган ўрни» мавзусидаги халқаро анжуман ҳам ёрқин мисол бўла олади.

Биз Сизнинг ана шу каби ташаббусларингизни тўлиқ қўллаб-қувватлаймиз ва Ўзбекистоннинг диний-маърифий соҳадаги ислохотларини халқаро миқёсда тарғиб этишда фаол ҳамкорлик қилишга тайёرمىз.

«Имом Термизий илмий меросининг ислом цивилизациясида тутган ўрни» мавзусидаги нуфузли халқаро илмий-амалий анжуманда Имом Термизий ва термизий алломаларнинг илмий меросига доир туркум илмий маърузалар тингланди ва анжуман якунида тегишли қарор ҳамда Термиз декларацияси қабул қилинди.

Анжуманни ташкил этишдан кўзланган мақсадга тўлақонли эришилди, деб ҳисоблаймиз.

Биз ўтмишда яшаб ўтган буюк мутафаккирларимиз қолдирган буюк ва бебаҳо меросни ўрганиш, асраб-авайлаш ва

тарғиб этиш борасидаги шарафли ва масъулиятли ишга ўз ҳиссамизни қўшаётганимиздан мамнунмиз.

Зеро, Ўзбекистоннинг маданий мероси бутун инсониятнинг бойлигидир.

Мухтарам Президент Жаноби Олийлари,

Ўзбекистонда илм-фан ва диний соҳани қўллаб-қувватлаш, улуғ алломаларнинг илмий меросини чуқур ўрганиш ва тарғиб этиш учун зарур шароитлар яратиб берилаётганини эътироф этиб, бунинг учун Сизга яна бир бор чуқур эҳтиромимиз ва ташаккуримизни изҳор этишга ижозат бергайсиз.

Ислом дини моҳиятида мужассам бўлган эзгулик ва инсонпарварлик ғояларининг туб мазмун-моҳиятини очиб берадиган буюк мутафаккирлар асарларини ўрганиш, тарғиб этиш ва келажақ авлодга безавол етказишда бундан буён ҳам Сизнинг энг яқин кўмакчингиз бўлиб қолишга тайёرمىз.

Сиз, Жаноби Олийларига мустаҳкам саломатлик ва Янги Ўзбекистон тараққиёти йўлидаги гоят масъулиятли ва шарафли фаолиятингизда улкан муваффақиятлар тилаймиз.

Юксак эҳтиром билан,

«Имом Термизий илмий меросининг ислом цивилизациясида тутган ўрни» мавзусидаги халқаро илмий-амалий анжуман иштирокчилари

Термиз шаҳри, 2024 йил 17 октябрь

MSK
O'ZBEKISTON RESPUBLIKASI
MARKAZIY SAYLOV KOMISSIYASI

НАТИЖАЛАР РАСМАН ТАСДИҚЛАНДИ

Хабарингиз бор, жорий йилнинг 27 октябр кўни мамлакатимизда йирик сиёсий тадбир — Ўзбекистон Республикаси Олий Мажлиси Қонунчилик палатаси, Қорақалпоғистон Республикаси Жўрғи Кенгеси, халқ депутатлари вилоят ва Тошкент шаҳар, туман ҳамда шаҳар Кенгашларига сайловлар миллий қонунчилик ва халқаро талаблар даражасида бўлиб ўтди. Юртимиз тарихида биринчи мартаба аралаш сайлов тизими асосида ўтган парламент сайловлари савияси халқаро ҳамжамият томонидан ҳам эътироф этилаётгани, айниқса, диққатга сазовор.

Ушбу тизимнинг жорий этилиши сиёсий партиялар ўртасидаги рақобатни кучайтириб, жамиятдаги демократик жараёнларга янги суръат бағишладик, бу сайловолди ташвиқоти ва сайловлар давомида ўзининг яққол тасдиқини топди. Айни чоғда сайловларни 65 минг зийёд маҳаллий ҳамда 850 дан ортиқ хорижий ва халқаро кузатувчилар кузатиб боргани, шунингдек, жараёнларни мингдан зийёд маҳаллий ва хорижий ОАВ вакиллари кенг ёритгани ҳам ушбу тадбирнинг нечоғли юксак савияда ташкил этилгани ва очик-ошкора тарзда ўтказилганини кўрсатиб турибди.

Жорий йилнинг 28 октябр кўни Марказий сайлов комиссияси томонидан сайловларнинг дастлабки натижалари эълон қилинди. Кеча ўтказилган Марказий сайлов комиссиясининг навбатдаги мажлисида эса сайловчилар рўйхатида киритилган фуқароларнинг 74,72 фоизи сайловларда иштирок этгани ҳамда ўнда қатнашган сиёсий партияларнинг ҳар бири овоз беришда иштирок этганларнинг 7 фоизидан кўп овоз тўплагани боис 2024 йил 27 октябрда бўлган ягона сайлов округи бўйича Олий

Мажлис Қонунчилик палатасига депутатлар сайлови ўтган ва ҳақиқий деб топилди.

Шундан сўнг мажлисда ҳудудий сайлов комиссияларининг сиёсий партияларга берилган овозларни аниқлаш тўғрисидаги баённомаларига асосан ягона сайлов округи бўйича Олий Мажлис Қонунчилик палатасига сайлов натижасини аниқлаш ва депутатлик мандатларини сиёсий партиялар ўртасида тақсимлаш тўғрисидаги масала муҳокама қилинди.

Қайд этилганидек, Марказий сайлов комиссияси томонидан ягона сайлов округи бўйича Қонунчилик палатасига сайлов натижалари ва депутатлик ўринларини сиёсий партиялар ўртасида тақсимлаш Сайлов кодексининг 96/1-моддасига асосан амалга оширилди. Бошқача айтганда, сайловда иштирок этган сайловчилар овозларининг етти ва ўндан кўпроқ фоизини олган барча сиёсий партияларга берилган овозларнинг сони етмиш бешга бўлинган ҳолда сайлов коэффицентини аниқлаб чиқилди ҳамда сиёсий партиялар тўплаган овозлар сони сайлов коэффицентига бўлинди.



Олий Мажлис Сенатида



ПАРЛАМЕНТЛАРАРО АЛОҚАЛАР ЯНАДА ФАОЛЛАШАДИ

Олий Мажлис Сенатида «Мўғулистон — Ўзбекистон» парламентлараро гуруҳи раиси С. Эрдэнэбат бошчилигидаги делегация билан учрашув бўлиб ўтди.

Мулоқот давомида «Мўғулистон — Ўзбекистон» парламентлараро гуруҳи доирасидаги ўзаро ҳамкорлик алоқаларини фаоллаштиришга алоҳида эътибор қаратилиб, Ўзбекистон ва Мўғулистон ўртасидаги парламентлараро муносабатларни янада мустаҳкамлаш масалалари муҳокама қилинди.

Қайд этилганидек, икки мамлакат раҳбарларининг сиёсий иродаси ва биргаликдаги саъй-ҳаракатлари натижасида охириг йилларда Ўзбекистон Республикаси ва Мўғулистон ўртасидаги кўп қиррали ҳамкорлик янги босқичга кўтарилди.

Ўз навбатида, С. Эрдэнэбат Олий Мажлис Қонунчилик палатаси ва ҳудудий вакиллик органларига сайловлар юқори савияда ташкил этилганини таъкидлаб, ушбу жараёнларнинг барча босқичи шаффоф, очик ва холис ўтганини ҳамда халқаро демократик стандартларга мувофиқлигини билдирди. Айни чоғда у парламент сайлови янги тахрирдаги Конституция асосида мутлақо янги ижтимоий-сиёсий муҳитда ўтказилганини угуллади.

Учрашув якунида икки давлат парламентлари ўртасидаги алоқаларни кенгайтириш ҳамда «Мўғулистон — Ўзбекистон» парламентлараро гуруҳи доирасидаги ҳамкорлиқни янада фаоллаштириш, шунингдек, кенг қўламли ҳамкорликка ҳизмат қиладиган аниқ тадбирлар режасини ишлаб чиқиш тўғрисида келишувга эришилди.

«Халқ сўзи».

ҲОКИМЛИККА НОМЗОДЛАР МАҲАЛЛИЙ КЕНГАШЛАРГА ҲУДУДНИ РИВОЖЛАНТИРИШ ДАСТУРИНИ ТАҚДИМ ЭТАДИ

Кейинги йилларда ҳудудларни ривожлантириш борасида маҳаллий Кенгашларнинг ролини янада ошириш, вакиллик органлари назоратининг янги шакллари жорий этиш, ҳокимларнинг маҳаллий Кенгаш олдидаги масъулияти ва ҳисобдорлигини кучайтиришга қаратилган ислохотлар тизимли рўёбга чиқаришмоқда.

Янги Қонун

Хусусан, янги тахрирдаги Конституциямизга мувофиқ маҳаллий давлат ҳокимияти вакиллик органлари ҳамда

ижро этувчи ҳокимият органлари ваколатлари, маҳаллий Кенгаш раиси ва ҳоким лавозимлари бир-биридан ажратилгани ҳокимиятлар бўлинишига оид конституциявий тамойилнинг маҳаллий даражада ижросини

таъминлашда муҳим қадам бўлди.

Шу билан бирга, маҳаллий Кенгашларнинг назорат фаолиятини кучайтиришга қаратилган ҳуқуқий асослар яратилиб, маҳаллий ижро этувчи ҳокимият органларининг фаолияти устидан халқ депутатлари Кенгашларининг назорат функцияларини кенгайтириш мақсадида уларга ўндан ортиқ қўшимча ваколатлар берилди.



ОЛМАЛИҚНИНГ ИСТИҚБОЛЛИ ЛОЙИҲАЛАРИ



Ташрифдан сўнг

Жонажон Ўзбекистонимиз Марказий Осиёда табиий-географик қулайликка ва беқиёс ер ости бойлиқларига эга жаннатмонанд диёр. Заминимизда табиий газ, қўнғир ва тош қўмир, олтин, мис, вольфрам, висмут ҳамда очик нефть конлари захираси мўл-қўллиги эса юртимиз тараққиётига муҳим асос бўлиб хизмат қилади. Биргина Тошкент вилоятининг Олмалиқ ҳудуди қадимдан маъданларга бой замин сифатида қадрланганини эрамизнинг

IX — XII асрларига тааллуқли қўллаб-қувватлаш ноёб топиламалар ва руда қазувчилар фаолиятининг изларидан ҳам пайқаш қийин эмас. Улар Олмалиқда асрлар давомида мис, қўроғош, рух, олтин, қумуш, кварц ва бошқа қимматбаҳо металллар жадал қазиб олинганидан далолат беради. Бугунги кунда Олмалиқ кон-металлургия комбинатида ишлов бериладиган деярли барча маъдан ўз вақтида ўша қадимги конлар излари бўйича очилган.



НАТИЖАЛАР РАСМАН ТАСДИҚЛАНДИ

➡ Ягона сайлов округи бўйича Қонунчилик палатаси сайловида депутатлик ўринлари сиёсий партиялар ўртасида шундай тақсимланди: Тadbirkorлар ва ишбилармонлар ҳаракати — Ўзбекистон Либерал-демократик партияси 26 та, Ўзбекистон “Миллий тикланиш” демократик партияси 14 та, Ўзбекистон Халқ демократик партияси 13 та, Ўзбекистон “Адолат” социал-демократик партияси 12 та, Ўзбекистон Экологик партияси 10 та депутатлик ўрнига эга бўлди.

«Халқ сўзи».

МИССИЯ ХУЛОСАЛАРИ ВА ЭЪТИРОФ

Куни кеча Европада хавфсизлик ва ҳамкорлик ташкилотининг Демократик институтлар ва инсон ҳуқуқлари бўйича бюросининг Олий Мажлис Қонунчилик палатаси ва маҳаллий Кенгашларга сайловларни кузатиш бўйича миссияси вакиллари иштирокида матбуот анжумани бўлиб ўтди.

Анжуман

Тadbирда миссия раҳбари Дуглас Уэйк ҳамда ЕХХТ махсус координатори ва қисқа муддатли кузатувчилари етакчиси Азай Гулиев томонидан миссиянинг Ўзбекистондаги сайловлар жараёнини кузатиш бўйича хулосалари тақдим этилди.

Миссия раҳбари 2017 йилдан буён Ўзбекистонда амалга оширилаётган ислохотларни юқори баҳолашни алоҳида таъкидлади. Миссия вакиллари республикамининг 14 та ҳудудда бўлиб, овоз бериш жараёнини бевоҳита кузатди. Сайлов участкаларида номзодлар ҳақидаги тўлиқ маълумотлар тақдим қилинган. Сайловлар жараёни халқро стандартларга мос равишда, шаффоф ва очиқлик муҳитида ўтди.

Таъкидланганидек, 2023 йил декабрда сайлов қонунчилигига тегишли ўзгаришлар киритилди, янги Сайлов кодекси қабул қилинди. Сайловларга тайёргарлик кўриш арафасида ишга туширилган “Е-saylov” ахборот тизими эса сайлов жараёнининг бўлаб тартиб-таомиллари рақамлаштирилишига ҳамда бюрократик тўсиқларни кескин камайитиришга хизмат қилди. Шу билан бирга, юртимиз тарихида илк бор Тошкент шаҳридаги қатор сайлов участкаларида сайлов куни электрон овоз бериш тажрибасинов тариқасида йўлга қўйилгани ҳам айтиб ўтилди.

— Бу янгиланиш ва ўзгаришлардан келиб чиқиб, сайловларга юқори даражада тайёргарлик кўрилганини эътироф этамиз, — деди ЕХХТ махсус координатори ва қисқа муддатли кузатувчилари етакчиси Азай Гулиев.

Ўз навбатида, бу галги сайловларда аёллар учун гендер квотаси 30 фоиздан 40 фоизга оширилгани ва ногиронлиги бўлган фуқароларнинг иштироки миссия вакиллари томонидан ижобий баҳоланди.

Матбуот анжуманида Ўзбекистон сайлов қонунчилиги изчил ривожлантирилиб, сайловларга техник жиҳатдан пухта тайёргарлик кўрилгани алоҳида ургуланди.

«Халқ сўзи».

ҲОКИМЛИККА НОМЗОДЛАР МАҲАЛЛИЙ КЕНГАШЛАРГА ҲУДУДНИ РИВОЖЛАНТИРИШ ДАСТУРИНИ ТАҚДИМ ЭТАДИ

➡ Президентимиз томонидан шу йил 17 октябрь куни имзоланган “Янги таҳрирдаги Ўзбекистон Республикаси Конституцияси қабул қилинганлиги муносабати билан Ўзбекистон Республикасининг айрим қонун ҳужжатларига маҳаллий давлат ҳокимияти органлари фаолиятини тақомиллаштиришга қаратилган ўзгаришлар ва қўшимчалар киритиш тўғрисида”ги Қонун маҳаллий ижро этувчи ва вакиллик ҳокимиятининг бўлиниш принциплари оид конституциявий қағолатларни қонунчиликда акс эттиришга қаратилгани билан ахамиятлидир.

Маълумки, янги таҳрирдаги Конституциямизда вилоят, туман, шаҳар ҳокими лавозимини эгаллаб турган шахс бир вақтнинг ўзида халқ депутатлари Кенгашининг раиси лавозимини эгаллаши мумкин эмаслиги белгиланган. Шу сабабли мазкур қонун билан вилоят, туман, шаҳар ҳокими бир вақтда тегишли ҳудуддаги вакиллик ҳокимиятини бошқариши ваколати бекор қилиниб, фақат вилоят, туман ва шаҳарнинг ижро этувчи ҳокимиятига бошчилик қилиши белгиланди.

Мазкур норма халқ депутатлари Кенгаши фаолигини оширади, жамиятнинг вакиллик демократиясига ишончи ва бунинг таъсирида сиёсий фаоллиги, маҳаллий давлат бошқаруви жараёнидаги иштирокини кенгайтиради. Маҳаллий Кенгашлар фаолияти, авваламбор, маҳаллий аҳоли манфаатларидан келиб чиқиб қарорлар қабул қилишга йўналтирилса, ҳокимнинг фаолияти эса мазкур қарорларни ижро қилишга қаратилади.

Шерзод Тўхташев,
Олий Мажлис Қонунчилик
палатаси депутати.



ОЛМАЛИҚНИНГ ИСТИҚБОЛЛИ ЛОЙИҲАЛАРИ

➡ Эътиборли воқелик

Айни пайтда Олмалиқда “Ёшлик-1” конини ўзлаштириш лойиҳаси амалга ошириляпти. Ушбу конни очишга бўлган амалий саъй-ҳаракатлар 2017 йилда давлатимиз раҳбари ташаббуси билан бошланган эди. Ўша йиллари Олмалиқ заминидagi мис захиралари камда 16 млн. тоннага тенг деб тахмин қилинган бўлса, бүгунги ҳисоб-китоблар бу захиралар миқдори 45 млн. тоннадан зиёд эканини

тонна мис ва 1,5 минг тонна молибден концентратлари олинади. Ишлаб чиқариш уч босқичли майдалаш ва икки босқичли галвирлаш жараёнлари орқали амалга оширилади.

Бугун дунёда “яшил” иқтисодиёт, электр техникаси, электромобиллар саноати жадал ривожланаётгани ҳисобига 2030 йилга бориб мис маҳсулотларига бўлган эҳтиёж 40 фоизга ортishi кутилмоқда. Бу эса бизнинг зиммамизга янада катта масъулият юклайди. Шубҳасиз, мамлакатнинг ривожланиши, геосиёсий майдонда

олишга ҳамда уларни қайта ишлашга ихтисослаштирилган ушбу комбинат конларидан қазиб олинётган маъданлар таркибида Менделеев даврий jadвалидagi элементларнинг деярли тўртдан бири мавжуд.

— Президентимизнинг ташриф давомида берган кўрсатма ва тавсиялари асосида заводимиз фаолиятини янада тақомиллаштириш устида иш олиб бораёلمиз, — дейди “Олмалиқ КМК” АЖ таркибидagi Оҳак заводи директори Абдуқаҳҳор Қўшақов. — Заводимизда карбонатли жинсларни го-

сод қилиш ва иккинчи линия печини қуриш ишларида фаол қатнашаётган корхонанинг бош муҳандиси Зикрилла Холмирзаев ҳамда етакчи муҳандис-ҳодимлар — Собиржон Исоқов, Ақром Раимкулов, Алимардон Умаралиев, Жўрабек Жиянов ва бошқаларнинг ўрни бекиёс.

Йилнинг ўтган тўққиз ойи натижаларига назар ташлайдиган бўлсак, заводимиз жамоаси томонидан 94 980 кубометр микдо-

зифалар қўйди, ўз устимизда изланиш ва ўқув самарадорлигини ошириш муҳимлигини таъкидлади. Йирик корхоналар базасида худди шундай мактабларни ташкил этиб, мутахассислар малакасини ошириш муҳимлигини айтиб ўтди. Айниқса, рақамлаштириш тизимини жаддаллаштириш лозимлигини ва бусиз тараққиёт йўқлигини алоҳида уқтирди.

Узоқ муддатли модернизация дастури

Комбинатда Фрайберг техника университетини кончиллик академияси, “Aurbis AG” ва “GP Gьter Pargenburg AG” компанияларининг кадрларни тайёрлаш бўйича дуал таълимга мўлжалланган методологиялари асосида маҳаллий мутахассислар ва хорижий ҳамкорлар иштирокида ўқув дастурлари ишлаб чиқилган.

2024 йилда “Fitch Ratings” халқаро рейтинг агентлиги Олмалиқ кон-металлургия комбинатининг узоқ муддатли кредит рейтинг кўрсаткичини “BB-” барқарор даражасида тасдиқлади. Бу эса бошқарувга замонавий корпоратив услублар жорий этилишига ҳамда тўғридан-тўғри йўналтирилган хорижий инвестицияларни комбинатни модернизация қилиш учун жалб этишга кенг имкон яратди.

Комбинатда ишлаб чиқарилаётган олтин ва қумуш Лондон қимматбаҳо металл биржасининг сифат белгисига, яъни “Яхши етказиб берувчи” макомига эга. Мис ишлаб чиқариш жараёнида сифат тизими менежменти жорий этилиб, унга Халқаро мувофиқлик сертификати олинган. Ушбу мувофиқлик сертификати комбинатнинг Жиззахдаги цемент ишлаб чиқариш жараёнига ҳам берилган.

Металлургия, кончилар ва қимматбаҳо металл қазиб олиш соҳасининг етук олимлари иштирокида экспертлар гуруҳи ташкил этилган бўлиб, улар томонидан Олмалиқ кон-металлургия комбинатини узоқ муддатда модернизация қилиш бўйича дастур ишлаб чиқилди. Унда қимматбаҳо металлларни ишлаб чиқариш ва қайта ишлашга илғор хорижий тажрибани жорий қилиш кўзда тутилган.

Хисоб-китобларга кўра ушбу дастурни татбиқ этиш учун 502 млн. доллардан ортиқ маблағ йўналтирилади. Бу эса йилга мис ишлаб чиқариш ҳажмини 109 минг тоннадан 148,5 минг тоннагача, рух металлани ишлаб чиқаришнинг 78 минг тоннадан 120 минг тоннагача, олтингурут кислотаси ишлаб чиқариши 1,4 баробар—618,3 минг тоннадан 873,9 минг тоннагача ошириш имконини беради. Олтин қазиб олиш ҳамда қайта ишлаш аввалги йиллардагига нисбатан 1,2 марта, қумуш 1,64 марта ортади. Махсулотларни сотишдан олинадиган даромад 1,5 баробар кўпайиб, 12 триллион сўмга етади. Давлат бюджетига тушумлар ҳажми ҳам 1,4 баробар ошиб, 5 триллион сўми ташкил қилади.

Хозирги пайтда “Рақамли ОКМК — 2030” стратегияси доирасида “Ёшлик-1” конини ўзлаштириш ва 3-мис бойитиш фабрикасини қуриш ишлари олиб борилмоқда. Шунингдек, янги металлургия мажмуасини лойиҳалаштириш ва қуриш ишлари бошланмоқда. Бунда комбинат инвестиция портфелининг қиймати 15 млрд. долларни ташкил этади. Мазкур лойиҳа Ўзбекистон тарихидаги энг йирик инвестиция лойиҳаларидан биридир. Унинг амалга оширилиши натижасида мамлакатимизнинг иқтисодий салоҳияти, Ўзбекистоннинг дунёдаги нуфузи ва обрўси янада юксалади.

Фахриддин БОЗОРОВ
(«Халқ сўзи»).



кўрсатмоқда. Албатта, бемисл ер ости бойлиқларига эга эканимиз мамлакатимиз иштирокини белгилашда муҳим аҳамият касб этади.

Яна бир қувонарли жиҳат шундаки, охириги олти йилда мисни чуқур қайта ишлаш ҳажми мутасил ошиб бормоқда. 2018 йилда 22 минг тонна, 2023 йилда 82 минг тонна мис қайта ишланди. 2024 йилда бу ҳажм илк бор 100 минг тоннадан осяпти. Давлатимиз раҳбари Олмалиқдаги мазкур йирик лойиҳанинг ташаббускори сифатида ўтган йиллар мобайнида бир неча бор бу ерга ташриф бурюди. Президентимиз Олмалиқ кон-металлургия комбинатига жорий йилнинг 15 октябрдаги ташрифи давомида саноат тармоқлари учун “Муҳандисларни тайёрлаш мактаби” ҳамда “Ёшлик-1” конини ўзлаштириш ишлари билан танишди, мисни бойитиш бўйича янги қувватлар қурилишига старт берди ва бу эътиборли воқелик сифатида тарихга муҳрланди.

Бинобарин, бу табиий ресурслардан қанча оқилона фойдалансак, иқтисодий имкониятларимиз ҳам шунча кенгайди. Шу боис давлатимиз раҳбари Шавкат Мирзиёев раҳнамолигида мамлакатимизда кон саноатини ривожлантиришга катта эътибор қаратилмоқда. Айниқса, кон-металлургия ва мис саноатини янада таракқий эттириш борасида йирик инвестициялар кенг жалб қилинаётгани ютуқларга омил бўлмоқда.

— Давлатимиз раҳбарининг Олмалиқ кон-металлургия комбинатига ташрифи, хусусан, бизнинг мисни бойитиш фабрикамиз фаолияти билан танишуви иқтисодиётда чуқур таркибий ўзгаришлар қилиш, моддий ва меҳнат ресурсларидан унумли фойдаланиш, рақобатбардош маҳсулотларни ишлаб чиқаришни таъминлашга қаратилган эътиборнинг ақол ифодаси бўлди, — дейди 3-мисни бойитиш фабрикаси директори Эркин Ортиқбоев. — Президентимиз билан кечган учрашувда ўзимиз учун қатор вазифаларни белгилаб олдик. Янги фабрикамизда юқори самарадорликка эга, экологик хавфсиз ва тежамкор технологиялар қўлланилаётгани юқори баҳоланди. Шу жиҳатдан олганда, бугун бунёдкорлик ишлари жадал суръатларда давом этмоқда. Фабрика йилга 60 млн. тонна маъдани қайта ишлаш қувватига эга бўлади. Бу орқали йилга 917 минг

ўз сўзига эга бўлишида унинг иқтисодий қудрати муҳим аҳамият касб этади. Кейинги йилларда мамлакатимизда изчил олиб борилаётган ислохотлар натижасида янги Ўзбекистон ривожланишининг янги босқичига ўтишнинг устувор вазифалари давлатимиз раҳбарининг худудларга ташрифларида белгилаб берилмоқда.

Табиий ресурслар иқтисод қилинмоқда

“Олмалиқ кон-металлургия комбинати” акциядорлик жамияти мамлакатимиздаги энг йирик саноат корхоналаридан бири бўлиб, унинг ишлаб чиқариш қуввати Тошкент, Жиззах, Наманган, Сурхондарё вилоятларида жойлашган мис, кўрошин, рух, олтин ва қумуш конларида қазиб олинаётган хомашёни қайта ишлашга ихтисослаштирилган. 35 минг нафарга яқин қончи-металлургиялари бирлаштирган мазкур комбинатда 40 дан ошмиқ миллат ва элат вакилларининг аҳил меҳнат қилаётган ҳам ютуқларга муҳим омил ҳисобланади. Зотан, она заминимиз баргидagi нодир, рангли ва қимматбаҳо металлларни қазиб

ризонтал айланувчан печда қуйдириш ҳисобига сўндирилмаган қуйдирилган оҳак ишлаб чиқарилади. Корхонамиз таркибида карбонатли тоғ жинсларини қазиб олиш ишлари олиб бориладиган “Совуқ-булоқсой” карьери, янчи-саралаш бўлими, хомашёлар омбори, қуйдириш бўлими ва тайёр маҳсулотлар омбори мавжуд. Бундан ташқари, ишлаб чиқаришга хизмат кўрсатувчи трансформатор подстанцияси, қозонхона, таъмир ус-тахонаси, моддий-товар бойлиқлари омборхонаси, оловбардош материаллар омбори каби ёрдамчи хизматлар фаолияти ҳам йўлга қўйилган.

Айни кунларда янги иккинчи линия печини қуриш ишлари жадалликда олиб борилмоқда. Ушбу печь ишга туширилиши билан ўзимча равишда суткасига 240 тонна микдорда оҳак ишлаб чиқариш имконияти яратилади. Иккинчи линия печини оҳактош билан таъминлаш мақсадида “Совуқбулоқсой” карьери худудини кенгайтириш ишлари режалаштирилган. Бу борада Президентимиз тавсияси асосида янги лойиҳа ишлаб чиқилмоқда. Барча ишлаб чиқариш ускуналарининг бир маромда ишлаши ва ўз вақтида режага мувофиқ таъмирланиши, табиий ресурсларни иқти-

рида оҳактош қазиб олиниб, 65 160 тоннадан зиёд қуйдирилган сўндирилмаган оҳак ишлаб чиқарилиди ва истеъмолчиларга жўнатилди.

— Натижаларимиз бундандалмамоқли бўлиши учун янгича рух ва ғайрат билан меҳнат қиялпмиз, — дея давом этади Абдуқаҳҳор Қўшақов. — Комбинат эҳтиёжлари учун профессионал муҳандис-техник ходимларни қайта тайёрлаш мақсадида “Муҳандислик мактаби” барпо этилди. Мактабни лойиҳалаш Германиянинг “Aurbis” компаниясининг ўқув маркази намунасида амалга оширилди. “Муҳандислик мактаби”да геология, кончиллик иши, кон саноати транспортлари, маркшейдерлик иши, фойдала қазилмаларни бойитиш, металлургия, механика, энергетика, ишлаб чиқариш автоматлаштириш йўналишларида фаолият олиб бораётган мутахассислар ўқитилади.

— Президент ташрифи биз учун тарихий кун бўлди, — дейди “Муҳандислар мактаби” директори Бекзод Салимов. — Давлатимиз раҳбари ўқув марказимизга келиб шарт-шароитларни кўрди, тингловчи ва ўқитувчилар билан суҳбатлашди. Зиммамизга жуда катта ва-





Мушоҳада

Бир неча кун аввал банкка, ундан сўнг тумандаги газ ва электр билан боғлиқ ташилотларга, уйга қайтишда эса савдо марказига кириб айрим ишларни ҳал қилишга тўғри келди. Ишим тигизлиги ва қаровчи йўқлиги учун ёш бола билан яёв отландим. Катта йўлга чиқмасданоқ, хато қилганимни англадим. Сабаби ортимда иккита машина пайдар-пай сигнал чалиб турарди. Болалар аравачаси билан машиналарни ўтказмай қўйибман. Атай қилмадим, албатта. Ахир пиёдалар йўлаги рисоладагидек бўлмаган жойда қаердан юришни ҳам билмай қоларкан одам. Боришда ҳам, келишда ҳам анча сарсон бўлдим... Шундай бўлишини билганимда гиз этиб машинада бориб келар эканман.

“Нега бир қадам жойга ҳам машинада борасиз?” деган саволимга қўшни аёлнинг ҳомуза тортиб берган жавоби ўйлантириб қўйди. Ўзим-чи, бир неча бор ноқулайлик туғдиргани учун болалар аравачаси билан узокроққа бормаيمان.

...Яқинда ойнаи жаҳон телеканалларининг бирида “Меҳрли қўллар” деган ҳинд фильми намойиш этилди. Фильмнинг мавзуси долзарб. Яъни ногиронлиги бор инсонлар учун яратилган шароитлар ҳақида. Унда образлар шу қадар самимий ва ишонарли тасвирланганки, бе-ихтиёр қаҳрамонлар билан ёнма-ён яшай бошлайсиз, уларнинг дарду ташвишига, ўй-хаёлларига шерик бўласиз. Фильмда тадқиқот учун Америкадан Калкуттага келган ёш тадқиқотчи ногиронлик аравачасидаги йигитдан “Сен дунёда нимани

истайсан?” деб сўрайди. “Ҳамма жойда пандуслар бўлса...”, деб жавоб беради йигит...

Дарҳақиқат, пандуслар нафақат болалар аравачаси учун, балки юриш имконияти чекланган инсонлар учун ҳам ниҳоятда зарур.

— Нишабли йўлақлар, яъни пандуслар зиналарга қараганда уч-тўрт баробар катта майдон эгаллайди. Бино зинапоясининг у ёки бу тарафиди пандус бўлиши умумий қурилиш сарф-харажатларининг орттишига сабаб бўлади, — дейди Тошкент архитектура-қурилиш университети таянч докторанти Мадина Қўчқорова. — Шу боис айрим қурувчилар лойиҳалашда нишабли йўлақларни “унутиб” қўйишади. Шунга таъкидлаш кераки, шахарсозлик қоидаларида тураржойлар, савдо ва кўнгилочар марказлар, умумфойдаланувдаги иншоотларда имконияти чек-

ланган шахслар, кексалар ва ёш болалилар учун пандусларни лойиҳалаш, қуриш ёки ўрнатиш белгилаб қўйилган. Пандуслар одамлар ҳаракатланишини осонлаштиргани боис бугунга қадар унинг бир неча тури ишлаб чиқилган. Стационар, кўтарма, йиғма пандуслар орасида хориж тажрибасидан кўринадики, энг оммалашгани йиғма пандуслар ҳисобланади.

Аслида уларни бино ва иншоотларга ўрнатиш ёки янги объектларнинг қурилиш режасига киритиш ҳал қилиб бўлмайдиган муаммо эмас. Ҳозир пандусларнинг бир неча турлари яратилган. Эҳтиёж бўлгандагина фойдаланиш учун оптимал бўлган, йиғиладиган ва кўтариладиган пандуслар зиналарда кўп жой эгалламайди. Катта маблаг ҳам талаб этмайди. Фақат жамиятда турли тоифадаги инсонлар яшашини, уларнинг ҳам бошқалар қатори ҳақ-ҳуқуқлари борлигини инобатга олиш, қисқача айтганда, уларни таъминлаб қўйиш учун синчков бўлиш кифоя.

— Пандусларни лойиҳалаш ва қуришда ўзига яраша талаблар мавжуд. Баъзан хусусий хизмат кўрсатиш, тадбиркорлик ёки савдо шоҳобчаларида “хўжақўрсин”га қилинган пандусларга дуч келасиз. Нишаблик

10 — 12 фойздан баланд пандуслар фойдаланиш учун ниҳоятда ноқулайлик туғдирса, кенглиги талаб даражасида қилинмаган, тор ва махсус жиҳозланмаган пандуслардан юрилганда хавф қаррасига ортади. Му-тахассис сифатида қурувчилардан талаб ва қоидаларга мувофиқ иш тутишларини сўраган бўлардим, — дея қўшимча қилди М. Қўчқорова.

Биргина пойтахтимиз кўчаларини ўрганиб чиқинг, жойларда қанчалаб аҳоли пандусларга эҳтиёж билан яшаётганини би-либ olasiz. Бошланиши чиройли кўрингани билан охирига етмаган пиёдалар йўлақлари ёҳуд улар узилиб, бирдан баланд зина чиқиб қолиши, текис ва кенг-роқ йўлларда эса машиналар бостириб келиши... Булардан ўтиб олиш соғлом ки-шилار учун осондир. Бироқ шундоқ ҳам бир фалокатни бошламай деб юрак ютиб кўчага чиққан аравачадаги кишига жис-моний машаққат билан бирга хижолато-муз қайфият бағишлайди.

Мисол учун, бир аёлнинг болалар арава-часи гилдираги жамоат транспорти ҳисоб-ланган метродаги пандусларга тўғри кел-мади. Сал юргизгани ҳамон пандус девор-ларига тикилиб қолаверди. Кейин йўловчи-ларга илтимос қилишига, уни кўтариб олиб чиқиб беришларига тўғри келди. Бошқа жой-ларда эса ўзи болани ҳам, аравачани ҳам кўтариб, йўлни давом эттиради.

Катта кўчаларда машиналарга ҳалал бер-маслик, янаям хавфсизликни ўйлаб йўлак-ларга ўзингизни урасиз. Ундаги ноқулайлик-лар эса чарчатиб юборади. Ҳатто баъзи дав-лат ташилотларида ҳам пандус масаласи бадастир яратиб қўйилган эмас. Яхшики, айрим маҳаллаларда рисоладагидек тўсиқ-ларсиз “Саломатлик йўлақлари” барпо эти-лаётганига гувоҳ бўлдик. Бордик, юриб кўрдик. Зўр! Қани энди, ҳамма йўлақлар шундай, тўсиқларсиз ва раvon бўлса...

Наргиза ЮНУСОВА
(«Халқ сўзи»).

Ўзимизнинг маҳсулот

ЛАЛМИ ТАРВУЗЛАРИ БИЛАН МАШҲУР ШЎРҚУДУҚ

Кўқдала туманининг Шўрқудуқ қишлоғи Самарқанд вилояти билан чегарадош ҳудудда, пастқам адирликлар бағрида жойлашган. Кейинги йилларда шўрқудуқлик деҳқонларнинг лалми тарвуз етиштириши, уни табиий усулда узоқ муддат сақлаш тажрибаси орқали қишлоқ номи кўпчиликнинг тилига тушмоқда.



Айни пайтда ҳудуд деҳқонлари лалми тарвуз даладардаги тарвуз ҳосилини йиғиб, уни саранжомлаш билан банд. Шу қишлоқлик нафақадаги ўқитувчи Бобомурзо Яхшибоевни ҳам далада, иш устида учратдик. Узоқ йиллар да-вомида ҳудуддаги мактабда ўқувчиларга математика фанидан дарс берган муаллим бугун фарзандлари, невараларига бош бўлиб, уларга ҳосилни йи-ғиш ва аҳоли “табиий музлаткич” деб атайдиган ертўлаларга жойлаштириш-га кўмаклашаётган экан.

— Қишлоғимизда лалми тарвуз етиштириш бир неча асрлардан буён давом этиб келмоқда, — дейди у. — Боболаримиз ҳам шу адирларга кет-монда ишлов бериб, тарвуз эккан. Бу-гун имконият катта. Техникалар ёрда-

мида бир ҳўжалик 10 — 15 гектаргача лалми тарвуз экиб, 40 — 50 мингта сара тарвуз олмақда.

Деҳқонларнинг айтишича, лалми ер-ларда тупроқ унумдорлигини сақлаш учун алмашиб экиш тизимига қатъий риоя қилиш даркор. Масалан, фермер ҳўжаликлари бир йил экин экилган майдонни келгуси йил, албатта, дамга қолдиради. Етарли куч тўплаши учун ерни кеч куз ёки эрта баҳорда шуд-горлаб, келгуси мавсумга тайёрлаб қўйиш лозим. Ана шу вақт оралиғида бу ерда лалми тарвуз етиштириш мум-кин. Ушбу полиз экини ернинг кучини олмайди. Аксинча, тупроқ унумдорли-гини оширади. Шу боис бу фаолият-дан фермер ҳўжаликлари ҳам манфа-атдор.

Жаҳонгир БОЙМУРОДОВ
(«Халқ сўзи»).

«Қалқама» сув омбори тадбиркорга ижарага берилди

Қашқадарё вилоятининг Чироқчи туманида жойлашган “Қалқама” сув омбори “E-auction” платформаси орқали бўлиб ўтган онлайн электрон савдосида голиб деб топилган “Gissar effect” масъулияти чекланган жамиятига 10 йил муддатга ижарага берилди.

Имконият

Бу борада “Ўзбекбаликсаноат” уюшмаси, Давлат активларини бошқариш агентлиги ҳамда МЧЖ ўртасида уч томонлама шартнома имзоланди. Сув ҳавзаси қонунчиликда кўрсатилган асослар мавжуд бўлганида яна 10 йил муддатга узайтириш ҳуқуқи билан ижарага берилганд.

Шартномага кўра тадбиркорга сув ҳавзасини йилда икки маротаба баликлантириш, белгиланган микдорда балиқ овлаш ҳамда инвестиция ки-ритиш мажбуриятлари юклатилди.

Маълумот ўрнида, “Қалқама” сув омборининг умумий майдони 150 гек-тарни ташкил этади.

«Халқ сўзи».



Ўзбекистонда доимий аҳоли сони ҳар куни ўртача 2 минг кишига ошмоқда.

ЯНГИЛИКЛАР хабарлар

ТАФСИЛОТЛАР

«Ўзбекистон — 2030» стратегияси хитой тилида илк бор чоп этилди

Ўзбекистоннинг Пекиндаги элчихонаси ташаббуси билан Тараққиёт стратегияси маркази ҳамкорлигида “Ўзбекистон — 2030” стратегияси хитой тилида илк бор рисола шаклида чоп этилди.

Хитой марказий миллатлар универ-ситети доценти Дилсора Мирзаах-медова томонидан таржима қилинган ушбу қўлланма Хитойнинг сиёсий, илмий-таҳлилий, ишбилармон дои-ралари ҳамда кенг жамоатчилигини “Ўзбекистон — 2030” стратегияси доирасида юрти-мизда турли соҳаларда амалга оширилаётган исло-хотлар жараёни ва уларнинг мазмун-моҳияти билан таништиришга мўлжалланган.

Шунингдек, мазкур рисола элчихона томонидан ўтказилаётган давра суҳбатлари, учрашувлар, брифинглар ҳамда тақдимотларда кенг тарқатилиши кўзда тутилган.



Беларусда ўзбек шеърляти кечаси

“Дунё” ахборот агентлигининг хабар беришича, Ўзбекистоннинг Беларусдаги элчихонаси ташаббуси билан Гродно вилоятининг Я. Ф. Карский номидаги илмий кутубхонасида Ўзбек тили байрами кунига бағишлаб ўзбек шеърляти кечаси ўтказилди.



Унда Беларусь Ёзувчилар уюшмасининг Гродно ви-лояти бўлинимаси, худудий ижроия кўмитасининг мада-ният бошқармаси вакиллари, фаол ватандошлар, шу-нингдек, ўзбек адабиёти ва шеърляти ихлосмандлари иштирок этди.

Тадбирда ўзбек адабиётининг йирик намояндалари Алишер Навоий, Заҳириддин Муҳаммад Бобур, Зулфия, Эркин Воҳидов, Абдулла Орипов, Ҳалима Худойберди-ева, Муҳаммад Юсуф ижодида оид тақдимотлар ўтка-зилди. Улар ёзган ғазал ва шеърлардан намуналар тингланди.

Беларусда ўзбек тили ва адабиёти ихлосмандлари ўртасида она тилимизнинг халқаро нуфузи, мавқеи, жо-зибадорлиги ва имкониятларини кенг тарғиб қилиш мақсадида иштирокчиларга ўзбек халқининг мадани-ят арбоблари, шоир ва ёзувчиларининг портретлари ҳамда ўзбек адабиётининг энг сара асарлари жамлан-ган насрий ва шеърйи китоблар тақдим этилди.

Янги қувватлар тежамкор ва самарали

“Толимаржон иссиқлик электр станцияси” акциядорлик жамияти томонидан умумий қуввати 1065 МВт бўлган иккита буг-газ қурилмаси барпо этилмоқда.



Илғор технологиялар асосида қурилаётган ушбу янги қувватлар тўлиқ ишга туширилгач корхона йилгига қўшимча қарийб 8 миллиард кВт-соат электр энергия-си ишлаб чиқаради.

Юқори тежамкор технологияларни қўллаш ҳисобида йилгига 600 миллион куб метрга яқин табиий газ тежа-лишига эришилди. Корхонада юздан ошмиқ иш ўрин-лари яратилди.

Айни пайтда лойиҳа қурилишида 2 минг 500 дан зиёд ишчи-ҳодимлар меҳнат қилмоқда. Уларнинг 368 нафари хорижий мутахассислардир.

«Жадидлар изидан»

Мақтабгача ва мактаб таълими вазирлиги томонидан “Жадидлар изидан”



республика танловини ташкил этиш ва ўтказиш жараёнларига бағишланган матбуот анжумани ўтказилди.

Илк маротаба жорий йилнинг октябрь — декабрь ойларида бўлиб ўтадиган ушбу танловда иштирок этиш учун “jadidlarizidan.uz” платформаси орқали 364 906 та ариза келиб тушган.

Таъкидланганидек, танлов ўқувчиларнинг мустақил фикрлаш кўникмаларини янада шакллантириш, улар-ни аждодларимизнинг бой маънавий меросини кенг тарғиб қилиш орқали китобхонлиқка жалб этишда му-ҳим ўрин тутди.

ҲАЁТИЙ ТАШАББУСЛАР — МУСТАҲКАМ КЕЛАЖАК КАФОЛАТИ

Янги Ўзбекистон ислохотлари — мамлакатимизнинг барча соҳасини замонавийлаштиришга, аҳоли турмуш даражасини оширишга, жамиятда тотувлик ва барқарорликни мустаҳкамлашга қаратилган кенг кўламли ўзгаришлар жараёнини ўз ичига олмақда. Бу эса хорижлик экспертлар томонидан ҳам катта қизиқиш ва ижобий баҳоларга сазовор бўляпти. Улар бу ислохотларни мамлакатнинг келажаги учун муҳим қадам, деб билишмоқда.

■ Нуктаи назар

Хуқуқий давлат қуриш йўлидаги дадил одимлар ҳам уларнинг диққат марказидаги масалалардандир. Мамлакат иқтисодиёти тобора юксалаётгани ва жамият учун барқарор муҳит яратилаётгани замирида қонун устуворлигини таъминлаш, шаффофлик ва ҳисобдорликни кучайтириш борасидаги амалий ҳаракатлар муҳассамлиги айtilмoқдa.

Ўзбекистон жаҳон ҳамжамияти билан ҳамкорликни кенгайтиришдаги саъй-ҳаракатларида инвестицияларни жалб қилиш, технологияларни ўзлаштириш, кадрлар салоҳиятини юксалтиришга алоҳида эътибор қаратаётгани таъкидланаяпти.

Дарҳақиқат, таълим муассасаларини замонавийлаштириш, малакали мутахассислар тайёрлашни такомиллаштириш юрт тараққиёти учун муҳим омил. Шу боис янги Ўзбекистон ислохотларида ёшлар манфаати асосий ўрин тутмоқда, бу билан эса мамлакат келажак мустаҳкам пойдевор яратилмоқда.

Ёшлар — янги фикрлар ва ғоялар манбаи. Улар янги технологияларни тез ўзлаштиради, ижодий фикрлайди, муаммоларни янгича ечимлар билан ҳал қилишга тайёр.

Навқирон авлодни жамиятнинг фаол аъзолари, деймиз. Бу бежиз эмас. Чунки улар жамиятда ўзгаришларни бошлашга, янги лойиҳалар ижросига ҳамisha тайёр куч саналади. Қолаверса, ёш авлод жамият ривожига фаол иштирок этишга ҳамма вақт интилади. Келажакимиз эгалари бугун таълим олиб, малака оширмоқда. Улар эртага юртимиз ривожига ўз ҳиссаларини қўшидиган етакчилар бўлишadi. Шу боис янги Ўзбекистонда ёшларга ўз имкониятларини ривожлантириш учун барча шароитни яратиш, уларни қўллаб-қувватлаш ва истеводларини намоён қилиш учун ёрдам беришга давлат сиёсати даражасида эътибор қаратилмоқда.

Таълимдаги ислохотлар ва янги имкониятлар

Президентимиз Шавкат Мирзиёевнинг сиёсий иродаси ва саъй-ҳаракатлари натижасида таълим тизимида йиллар давомида тўлғаниб қолган муаммоларга сўнгги етти йилда босқичма-босқич ечим топилмоқда. Хусусан, жамиятимизда педагог мақомининг нуфузи ва обрўси юксалиб бораёпти. Ўқитувчи-педагоглар ва болалар мажбурий меҳнатига барҳам берилди. Ўқитувчи-мураббийлар меҳнатига ҳақ тўлаш тизими такомиллаштирилиб, уларнинг ойлик маошлари сезиларли даражада ошди. Мазкур ўзгариш ва шароитлар натижаси ўларoқ умумтаълим мактабларига эрoқaқ ўқитувчилар қайтиди, ёш тадқиқотчиларнинг олий ўқув юртларида фаолият олиб боришга қизиқишлари ижобий томонга кескин ўзгарди.

Амалга оширилаётган ислохотлар халқимиз, хусусан, ёшлар ҳаётида, таълим-тарбия соҳасида сезиларли ўзгаришларни қила олди, десак, аини ҳақиқат. Рақамлар ҳам ҳақиқатни кўрсатади.

янги марказлар ташкил этилиши янада кўпроқ ёшларнинг илм ва кадрлар бозорига киришига ёрдам бермоқда.

Бугунги кунда ёшлар учун таълим олиш имкониятлари аввалгига қараганда анча кенгайди. Яқин ўтмишни бир эслайлик. Янги ўқув йили бошланиши билан юқори синф ўқувчилари, талабалар пахта даладарига олиб чиқиларди. Алоҳида дастур асосидаги таълим режаси бузилар эди. Унга етиб олиш учун бир машғулотда уч-тўртталаб мавзу ўтилишига мажбур бўлинарди. Бундай тартибда ўтиладиган мавзуларни жисмоний толиққан ўқувчи-талабалар ўзлаштира олмаслиги аниқ. Таълим сифатининг бузилиши кадрлар бозорига жиддий салбий таъсир ўтказди. Бунинг асоратлари эса ҳанузгача турли соҳалардаги оқoқликларда намоён бўлмоқда...

Бугун замонавий таълим муҳити яратилди. Мамлакатда мутлақо янги узлуксиз таълим тизими мазмун ва технологиялар билан шаклланди. Аввало, таълим муассасалари замон талабларига мос равишда жиҳозланди. Ўқув дастурлари янгиланди, машғулотларда сўнгги таълим технологиялари кенг қўлланилмоқда. Бу ёшларга замонавий билим ва малакаларни эгаллаш имконини берапти. Таълим мазмунига жиддий эътибор қаратилаётди.

Кейинги йилларда биргина олий таълим соҳасида амалга оширилган ислохотлар натижасида олийоҳқлар сони 200 тадан ортди, талабалар сони эса 1,33 миллион нафаргача оширилди.

“**Давлатимиз раҳбари мамлакатимизда мактаб таълимини ривожлантириш умуммиллий ҳаракатга айланганини алоҳида таъкидлади. Юртбошимизнинг эътирофича, таълим ва маърифатни рағбатлантириш ишига ҳисса қўшаётган инсонлар сиймосида биз жадид болаларимизнинг муносиб давомчиларини, уларнинг ушалаётган орзу ва интилишларини, учинчи Ренессанснинг мустаҳкам пойдеворини кўрамиз.**”

Шу даврларда олий таълим тизимидаги профессор-ўқитувчилар сони 1,64 барoбaр қўйтувчилари ҳам таъкидлаш жоиз.

Яна бир эътиборли жиҳат, 2023/2024 ўқув йилида олий таълим муассасаларида ўқиётган хорижлик талабалар сони 11,2 минг кишини ташкил этмоқда.

Олий таълим билан қамровни кенгайтириш, олий маълумотли мутахассислар тайёрлаш сифатини ошириш мақсадида “Ўзбекистон — 2030” стратегиясида қатор чора-тадбирлар ва вазифалар ҳам белгиланган. Ёшларни олий таълим билан қамраб олиш даражасини қамда 50 фоизга етказиш, умумий ўрта таълим ташкилотларини олий маълумотли педагог кадрлар билан тўлиқ таъминлаш, олий ўқув муассасаларида илмий тадқиқотлар натижадорлигини ошириш ва илмий салоҳиятини 70 фоизга етказиш шулар жумласидан.

Мамлакатимизда ёшларнинг хорижий тилларни ўрганиш имкониятлари ҳам кенгайтирилмоқда, чет тилларда таълим олиш шароитлари яхшиланмоқда. Зеро, бу ислохотлар ёшларга глобал бозорда рақобатбардош бўлишга ёрдам беради.

Яна бир жиҳат, замонавий рақамлаштириш ва ўқув технологияларига асосланган таълим мезонлари кенгаймоқдаки, бунда ёшлар ўзлари учун қулай вақтда ва жойда ўқиш имконига эга бўлмоқда.

Янгича шароит ва мезонлар, ўз навбатида, ёшлар учун катта масъулиятни ҳам юқлайди. Улар бу қулайликлардан оқилона фойдаланиб, ўз келажиги учун мустаҳкам поғона қуришлари керак. Зотан, замонавий таълим олиш, малака орттириш, ижодий фикрлаш ва жамият ривожига ўз ҳиссаларини қўшиш ёшларнинг қўлида.

Ўзгаришлар фаол ёшлар сафини кенгайтирди

Таълимдаги ислохотлар ёшларга замонавий билим ва малакаларни эгаллаш, ўз қамолоти учун зарур шароитлар яратган бўлса, ишга жойлашиш учун эса янги имкониятлар тақдим этди, кадрлар тайёрлаш тизими такомиллаштирилди.

Шу ўринда таъкидлаш жоизки, сўнгги 7 йилда юртимизда ёшлар учун ижтимоий ҳимоя тизими борасидаги қонунчиликда сезиларли ўзгаришлар юз берди. Булар янги Ўзбекистонда амалга оширилаётган ёшлар сиёсати доирасидаги ислохотларнинг бир қисми бўлиб, йилгит-қизларнинг ҳуқуқлари ва манфаатларини ҳимоя қилиш, уларнинг ижтимоий ҳаётда мустақил турмуш кечиришлари учун шарт-шароитлар яратишга қаратилгани билан ҳам аҳамиятлidir.

Бинобарин, янги таҳрирдаги Конституциямиз ёшларнинг ҳуқуқ ва манфаатлари, эркинликларини кафолатлайди,

уларнинг таълим олиш, ишга жойлашиш, соғлиқни сақлаш ва ижтимоий ҳимоя олиш ҳуқуқларини таъминлайди. Мамлакатда ёшларнинг ҳуқуқ ва манфаатларини ҳимоя қилиш, уларга зарур шарт-шароитлар ва имкониятларни яратиб бериш борасида мустаҳкам ҳуқуқий база яратилган ва бу тизим замон талабларига ҳамоҳанг равишда такомиллаштириб бoрилмоқда. Хусусан, бугунгача парламент томонидан ёшларга оид 40 дан зиёд қонун ҳужжатлари қабул қилинган бўлиб, 30 дан ортқ халқаро ҳуқуқий ҳужжатлар ратификациядан ўтказилган.

Айтиш мумкинки, ҳозирги вақтда ёшлар билан ишлашнинг янгича бошқарув механизмлари татбиқ этилди. Ҳар бир шаҳарча, қишлоқ, овулда, шунингдек, улардаги ҳар бир маҳаллада ёшлар етакчиси лавозимни жорий қилинди. Бу эса ёшлар муаммоларини бевосита маҳаллаларда ҳал этиш, таълим муассасаларида маънавий-маърифий ва тарбиявий ишларнинг самарадорлигини янада оширишга хизмат қилмоқда.

Ижтимоий, иқтисодий, ҳуқуқий, психологик қўллаб-қувватлаш, билим ва касб ўрганишга эҳтиёжи ва иштиёқи бўлган ишсиз ёшларнинг муаммоларини аниқлаш, бартараф этиш ва назоратини олиб бoриш бўйича маълумотлар базаси — “ёшлар дафтари” жорий этилгани навқирон авлоднинг ижтимоий ҳаётида яна бир муҳим қадам

ҳисобланади. “Ёшлар дафтари”га киритилган ишсизлар, ижтимоий ҳимояга муҳтож оилалар фарзандларига таълим олиш, ишга жойлашиш, касб-ҳунар ўрганиш, тадбиркорлик билан шуғуллашиш, саломатлигини тиклаш каби қатор масалалар бўйича кенг имтиёз ва имкониятлар берилди.

Ўзбекистонда Президент ташаббуслари ёшларнинг ижодкорлигини ривожлантиришга ҳам катта таъсир кўрсатмоқда. Улар иштирокида турли танловлар, фестиваллар, форумлар ўтказилаётгани ижтимоий ҳимоянинг кенг қамровига намоён этишига имкон берибгина қолмай, янги-янги иқтидорларни қамолга етказишда муҳим омил бўлаётди.

Ўтган вақт мобайнида спорт соҳасида ёшларнинг қобилиятларини ривожлантиришга эътибор қучайтирилди. Бу эса ўз натижаларини бермоқда. Шу йил Парижда бўлиб ўтган Олимпия ўйинларида Ўзбекистон спортчилари жами 208 та давлат вакиллари қатнашган мусобақада юксак матонат, маҳорат ва ирода кўрсатиб, дунёда 13-ўрин, Осиёда 4-ўрин, туркий, мусулмон ва МДХ давлатлари орасида 1-ўринни эгаллади. Бирйўла 3 нафар спортчимиз “икки карра Олимпия чемпиони”, деган юксак шарафли номга сазовор бўлди. Шулардан бири Ўзбекистон Миллий университети талабасидир. Бу мамлакатимиз спорт тарихида энг юқори натижалар бўлди. Янги Ўзбекистон ёшлари нимага қодир эканини бутун дунёга кўрсатиб, уларнинг ютуғи тарихимизда зарҳал ҳарфлар билан муҳрланди.

Албатта, бу ўзгаришлар ёшларнинг ижтимоий ҳаётда янада фаол иштирок этишига, ўз фикрларини мустақил билдиришига, жамият ривожига муносиб ҳиссаларини қўшишга имкон беради.

Шу ўринда таъкидлаш жоизки, мамлакатимиз энг ривожланган давлатлар қаторидан мустаҳкам ўрин эгаллаш йўлида дадил одимлаётган шу қўнларда ҳали бу борада қилинадиган ишлар кўп. Шу нуктаи назардан, ёшлар учун янада кенг имкониятлар яратиш, уларнинг ижтимоий ҳаётидаги муаммоларини ҳал қилиш саъй-ҳаракатлари жадал давом эттирилмоқда.

Эл-юрт тақдирига дахлдорлик ҳисси

Юртимизда муҳим сиёсий жараён — Ўзбекистон Республикаси Олий Мажлиси Қонунчилик палатаси ва маҳаллий Кенгашлар депутатлигига сайловлар бўлиб ўтди. Ушбу жараёнда ёшларнинг фаол иштирок этгани уларнинг эл-юрт тақдирига дахлдорлик ҳисси билан яшаётганидан далолат.

Айтиш керакки, кейинги йилларда ёшларнинг сиёсий онги юксалиб бoраётганини бир неча омиллар билан изоҳлаш мумкин. Хусусан, оммавий ахборот воситаларининг эркин, тўсиқсиз

Янги Ўзбекистондаги барча ислохотлар аҳоли манфаатларига қаратилгани билан ҳам аҳамиятли. Юртбошимиз раҳнаомлида олиб бoрилаётган сиёсатнинг асосий мақсади — бу жамиятдаги ҳар бир инсоннинг ҳаётини яхшилаш, уларга муносиб турмуш шароитини яратиш, ҳуқуқ ва эркинликларини таъминлаш. Ислохотлар самарасини эса одамлар ўз ҳаётида кўриб турибди. Чунончи, иш ўринлари қўпайди, ёшлар учун иш топиш имконият ва шароитлар кенгайди, одамларнинг даромадлари ошди. Фуқароларнинг ҳуқуқлари ва эркинликлари таъминланди, коррупцияга қарши кураш кучайди. Миллий онг ва маданият юксалди, ёшларда ватанпарварлик руҳи шаклланимоқда. Таълим ва соғлиқни сақлаш тизимида янги технологиялар жорий этиляпти, хизматлар сифати яхшиланмоқда. Зеро, ҳаётий ташаббуслар рўёби, ислохотлар самараси — бу мустаҳкам келажакка қўйилган тамал тошидир.

Ином МАЖИДОВ,
Мирзо Улугбек номидаги Ўзбекистон Миллий университети ректори,
техника фанлари доктори, профессор.

РЕКЛАМА

ФУТБОЛ
АББОСБЕК ФАЙЗУЛЛАЕВ — ҚИТЪАМИЗДА ТЕНГСИЗ

Кеча Корея Республикасининг Сеул шаҳрида Осиё футбол конфедерацияси томонидан қитъа футболининг энг яхшиларини тақдирлаш маросими ўтказилди. Унда ўтган йилги йирик мусобақалар, хусусан, “Осиё кубоги — 2023” ва футбол бўйича Осиё чемпионати каби турнирлар давомида ўз маҳоратини намоиш қилган футболчи, мураббий ва расмийлар тақдирланди.

Шунингдек, йилнинг энг яхши футболчиси ҳамда энг яхши аёл футболчи мукофотларидан ташқари мураббийлар, аъзо ассоциациялар ва минтақавий ассоциацияларнинг ютуқлари эътироф этилиб, жами 21 нафар ғолиб тақдирлангани белгиланган.

Ўзбекистонлик футбол ишқибозлари учун қувонарлиси, терма жамоамиз аъзоси, 21 ёшли Аббосбек Файзуллаев

қитъамизнинг энг яхши ёш футболчиси, деб тан олинди. Аббос айна пайтда Москванинг “ЦСКА” жамоасида легионер мақомида муваффақиятли тўп суриб келмоқда. Мазкур соврин учун Аббосбек Файзуллаевдан ташқари Гаку Навата (Япония) ва Бае Жун Хо (Жанубий Корея) номзодлар қаторида кўрсатилган эди.

«Халқ сўзи».

Бош муҳаррир Ўткир РАҲМАТОВ

2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 1042. 12 718 нусхада босилди, ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

Газетани ҳақиқатий маълумотларни юқлаб олиш учун QR-коднинг телефонингиз орқали сканер қилинг.



ТЕЛЕФОНЛАР:

Девонхона 71-259-74-51; қопилбаст 71-259-74-53;
эълонлар 71-259-74-45.

«ЎЗБЕКИСТОН РЕСПУБЛИКАСИ ТАШҚИ ИҚТИСОДИЙ
ФАОЛИЯТ МИЛЛИЙ БАНКИ» АКЦИЯДОРЛИК ЖАМИЯТИ
АКЦИЯДОРЛАРИНИНГ НАВБАТДАН ТАШҚАРИ
УМУМИЙ ЙИҒИЛИШНИНГ ЎТКАЗИШ ТЎҒРИСИДАГИ ХАБАР

Кун тартибига киритилган масалалар:

“Ўзбекистон Республикаси Ташқи иқтисодий фаолият миллий банки” акциядорлик жамияти акциядорларининг навбатдан ташқари умумий йиғилишининг санoқ комиссияси таркибини тасдиқлаш;
жамият акциядорларининг навбатдан ташқари умумий йиғилиши регламентини тасдиқлаш;
“Акциядорларнинг умумий йиғилиши тўғрисида”ги ва “Қузатув кенгаши тўғрисида”ги Низомлари янги таҳририни тасдиқлаш;
“Қузатув кенгаши аъзоларининг мукофотлаш тартиби” тўғрисидаги Низомига киритилаётган

ўзгариш ва қўшимчаларни тасдиқлаш;
жамият уставига киритилаётган ўзгариш ва қўшимчаларни тасдиқлаш;
жамият устав капиталини ошириш;
қўшимча акциялар чиқариш тўғрисидаги қарорни тасдиқлаш;
“Ўзбекистон Республикаси Ташқи иқтисодий фаолият миллий банки” акциядорлик жамиятининг 2024 йил 31 декабрь ҳолатига МХХСга мувофиқ тайёрланган жаллама молиявий ҳисоботини мажбурий аудиторлик текширувини ўтказиш учун ташқи аудиторлик ташкилотини белгилаш, унинг хизматига тўланадиган ҳақ миқдорини белгилаш ва у билан шартнома тузишни тасдиқлаш.

Грецияда ўтказилаётган Жиу-житсу бўйича жаҳон чемпионатида Ўзбекистон терма жамоаси таркибидаги қорақалпоғистонлик спортчилар — Тимур Базарбаев ва Айбек Прекеев олтин медални қўлга киритди.

Халқ сўзи

Народное слово

МУАССИСЛАР:

Ўзбекистон Республикаси
Олий Мажлиси Қонунчилик палатаси Кенгаши,
Ўзбекистон Республикаси
Олий Мажлиси Сенати Кенгаши

“Шарқ” нашриёт-матбаа акциядорлик компанияси босмаҳонаси. Корхона манзили:

Буюк Турон кўчаси, 41. ЎЗА якуни — 21.10 Тошпирилди — 23.10 1 2 3 4 5 6